



10824

武進

趙起

于岡

逝水歌

大化易盡好物難堅頰驚駭浪之飛屢竭愛河之  
水哀吟彌短愁思孔長逝者已矣我勞如何

摸魚兒

乙未九月余客海東得家書知大女於十  
六日病歿卽寄七言詩哭之十一月十九  
日之夜僑居邗上夢大女函詩三十韻醒時僅  
憶然  
作此

幾曾銷淚痕無數零星猶憶詩句商聲已逐哀蟬斷吟  
到夜臺還苦今語汝只載得一江明月人歸去好催鶴

約園詞稿

卷八

逝水歌

馭試細把前因萍根絮影哽咽夢中語 年來事歎盡  
秋風不遇人間更有誰訴斷魂休帶思親淚珍重此時  
寒沍淒絕處自寄得金陵一紙成千古焚香夜午猶望  
轉芳輪殷勤密祝生作玉庭樹

前調

詠春自壽春來邗上舍皇卽歸女亡尚  
未徑告出摸魚兒詞隨次韻以誌感

掛征帆暮雲千里蘭橈又待朝發倉皇去雁隨波杳淒  
絕九秋時節遙望極悵淚染江楓都爲愁人設西風蕭  
瑟看天上浮雲白衣驚幻底事竟輕別 飄零久幾誤  
儒冠鬢髮南陽思與爭席浪遊更是愁如海海上白波  
山積歸夢徹空釀得一天清恨何時歇迴腸重疊天壤

竟何憑姮娥可語搔首問明月

南柯子

輓雲仙大女

飲少離懷醉秋深旅夢輕西風慣作斷腸聲正是凝眸  
無語對斜曛遠訊驚將絕回思恐未真芙蓉鏡檻日  
初升不道霜天侵曉已黃昏

五月余回棹逾時汝放舟誰知片刻是千秋我又倉皇  
閒事未勾留緘信頻相慰來書甚悵惆炎颺斜倚夕  
陽樓且說拈毫揮灑不曾休

鄉夢生殘夜懷人感逝川新霜我亦鬢氈氈忍聽窗前  
啼鳩與啼鴉斯世無因別斯人劇可憐年年都是別

約園詞稿

卷八

逝水歌

二

離天幾日琴川杯酒奠荒烟

飄泊將寒日伶俜在夜臺紙錢都作蝶飛來我返蕭廬  
親與致清齋淒楚留詞筆沉吟入夢懷潏然老眼手  
頻揩試問年來何事不長乖

鷓鴣天

輓沈伯昭外兄

落魄江鄉百不宜芳踪猶憶草堂西一天風雨淒其夕  
倦客情懷正醉歸情杳渺骨支離月斜瘦鶴守寒梅  
吟魂跌蕩乾坤小只覺人間滿目非

踏莎行

輓湯聞卿外兄

張緒當年風流宛在輕衫倩影春堪買年來席帽亦郎

當鬢絲慘上星星艾 詞客飄零才人老大秋深碧海  
眞無奈江鄉頻報杜鵑啼行人腸斷西風外

燕山亭

輓謝潤卿外弟

燕北風淒輕夢絮搖淹忽斜陽西去記得那年伴我殷  
勤還說莫傷遲暮幾度春明添多少離人辛苦無據嘆  
過眼浮雲被他輕誤 遙想飄泊關山這清絕情懷怎  
禁愁思間發醉吟撇笛聲聲今傷斷魂何處月冷黃腸  
念秋水是君歸路知否來夢裏倘尋舊雨

摸魚兒

三兒亡及半載矣庚戌十月三日由揚赴淮舟中泫然有作

又扁舟一泓秋水蒼茫烟靄西去年年來往曾如織最

約園詞稿

卷八 遊水歌

三

愴去年冬暮緣底事遂促得行人躑躅愁歸路雪花亂  
舞更謠詠無端柔腸寸寸容得恨幾許 春似夢不道  
華胥竟誤絮因可是前註泉臺好把雙雛護森作玉階  
前樹誰共語歎此後悲歡離合皆無緒一篙兩櫓儘趁  
着長風十洲三島搖我最深處

南柯子

生小無凡骨成童有薄名頭銜一領畢青衿但願生兒  
不必盡聰明 病已膏肓入情還感慨深靈臺自信最  
精瑩到得春蠶絲盡劇生驚

秣馬津門道攤書古佛燈春明期汝便飛騰海上仙山

纔到又廻輪

榜發備取膳錄

殘臘初歸鳥培風再展鵬頻年

望眼最殷勤只道郊祁競爽慰衰親

言論多堪采文章頗不平燕居跬步不會輕遍閱麻衣  
論相了無憑瘦骨亭亭立雙眸炯炯明春宵斷夢霎  
時醒三十平頭屈指短三春

仙佛求無驗參苓術不靈病機何以入深深不是生成  
蒲柳望秋零母病原非劇訛傳雪夜行歸來顛倒夢  
魂驚堪恨啼鴉啼鳩最無因

春夏常懷戚秋冬未息征今年災祲疊如雲驅瘧文成  
我尙瘦於薪雙眼模糊甚茲還未喪明衾裯日夕淚

約園詞稿

卷八 逝水歌

四

痕侵簷漏沉沉纔歇又更丁

出入常來面晨昏最小心堂前欲語每沉吟惟恐乖違  
親意守如瓶斯意偏成誤閒愁或未真瀕危心緒亂  
如雲我亦無從一一爲分明

慧業兼凡業蘭因更絮因身官磨竭帶災星底死催歸  
中道遽乖分韁鎖空違願詩文慣嘔心音容略不隔  
幽明小製歌詞隨處可招魂

茅嶺坟前路方山麓下坪縈迴結就此佳城差慰幽靈  
埋骨好山青倘作兒孫蔭端宜福澤深就衰筋力極  
支撐尙望諸孤藐小大吾門

浪淘沙

三兒愛菊培養極盛客中對菊有感

插鬢撚霜枝淚染花姿不堪回憶到東籬花亦飄零人  
亦去誰弔斜暉小婢摘芳菲還供空幃燈前月下獨  
徘徊汝在泉臺余在客同負花時

水龍吟

碧天知我無聊幾程帆順西風裏孤舟困倚璧湖明月  
照人清美夢短難圓醉深未醒愁多不已歎征鴻鍛羽  
低飛遠浦忽小鳥冲烟起正望聯翩逸翮又青鸞遽  
傷斷尾懷中玉碎掌中珠散雄情已矣藐爾新雛翼之  
使大難兄難弟計歸帆片片江楓吹墮淚痕新洗

約圃詞稿

卷八

浙水歌

五

減字木蘭花

斜陽無語鎮日懷人何處去禿管拈來忽覺涔涔淚滿  
腮年年今日菊滿高齋興清逸怎忍回眸歸到東籬  
菊亦休

八聲甘州

想悠悠泉路薄寒天更誰疊衾稠漸法筵經罷紙錢灰  
冷冥筭堪收前日阿兄歸去黥黥淚雙眸人遜田家樹  
綠意重稠自古彭殤同盡便百年彈指也是浮漚只  
高堂凝望欲與暫勾留過庭除依依魂魄可還來定省  
到床頭誰憐汝夜深孤另數遍更籌

酒泉子

小住黃河西壩前歲遣三兒留此數月尙眼前事也

茅作簷衣蘆作壁十載頻來成舊客黃河滾滾向東流  
不滌旅人愁牙檣林列排依樹人立沙灘如蟻聚白  
鹽堆積漸成山山外尙風帆

睡醒疎窗斜月上喔喔荒雞寒夜唱家山尙是夢難圓  
小住在河干匆匆已隔人間世萬事倉皇安可計也  
曾三宿在空桑彷彿這間房

病裏還言西壩好幾度飛鴻留雪爪明知瘦骨不能支  
往事費尋思相對神淒魂欲斷忍看佳兒中道散前  
年聞得病移時不肯教儂知

約園詞稿

卷八 逝水歌

六

念奴嬌

小住胸陽表弟湯子卿離尹已經歸櫟賦此悼之

舊曾遊處歎塞鴻指爪雪泥無據惆悵故人成短夢也  
算衙齋聽鼓載酒前歡看花後約從此成辜負騎鯨去  
矣零縑都被塵污孤梗尙泛清波青蒲碧荇羨煞閒  
鷗任塵影尊前渾不定往事已成全誤破衲零星欲借  
晴雲補胸山山外白雲飛出如絮

卜算子

胸陽頻夢三兒

海角更淹留月上疎窗冷千里相隨只夢知慰我情淒  
迥夢裏正依依欲語情先哽好夢纔成夢已闌喔喔

催人醒

揚州慢

莊子定卯角論交去秋同寓維揚遇事善憂規之無益今春卒以愁殞悼之以詞

幾輛芒鞋一莖苦菜匆匆斷送流年記相從步履每月  
下花前憶秋日維揚小住爲儂驅瘴意最纏綿只閒愁  
重疊儂曾幾費言詮 春初解纜尙殷勤送我河邊近  
有客南來傳君示疾多被愁牽俚指百年將半憐雙鬢  
誰把絲添竟翩然長往濡毫淚洒吟箋

臨江仙

四月初五舟赴溧水去歲此時正三兒病甚回憶惘然

一棹金陵春漲濶蕭然蓬底閒眠去年惆悵落花天亭  
亭蘭樹萎到晚風前 思子臺邊愁裏過鬢絲重感年  
年擗沙聚影總淒然一天離恨淚罷思如烟

約園詞稿

卷八 逝水歌

七

摸魚兒

內子葉孺人卜葬嬰墩

向平原踏殘芒屨一坏爲覓荒土卅年明鏡如流電倉  
猝已成千古多少事記執手臨歧欲語渾無語杳然遂  
去聽斷雁驚秋幾聲嘹唳淒絕未成句 支離叟也是  
風前殘絮浮雲瞥眼皆誤頻年哀感情何限地下煩冤  
誰訴卿記取南郭外小橋西去斜陽路沙迴水聚見翠  
栢森森新陰十尺是我並棲處

八聲甘州

甲湯雨生將軍

嘆無端烽火已連年又闌入江南有廉頗舊將潛然酒  
淚計斬樓蘭不謂棘門兒戲一夕駛歸帆卷甲如秋葉

星逼槍機 遂議嬰城固守縱龍蟠虎踞衆志難堅聽  
掀髯投筆吟罷赴清漣繼忠貞一門三世帳圍城覆卵  
可能全倚修竹學王孫藁葬香到黃泉

菩薩蠻

閩娟五女亡已匝年觸物感傷泣然有作

簾櫳又值新秋節庭花都作傷心色堆着女兒箱零繡  
字幾行 晨昏頻侍側情比嬌兒惜遠嫁恐離多郊西  
附女蘿

繡餘閣上勤工做劈箋問字饒清課粉本出徐黃手摩  
差擅長 明詩還識禮生小端容止心性最幽閒長教  
阿母憐

約園詞稿

卷八 逝水歌

八

約園姊妹牽衣戲流鶯不覺韶光駛二十過平頭儂皮  
促蹇修 箱簾和斗帳事事裁新樣惜別更工愁無言  
淚黯流

倉皇萬事皆非計星河忽地狂飈起夫婿偶薪憂庸師  
藥妄投 晴霄眞霹靂進退都惶急背女淚闌干恐教  
阿女看

察言伺色情知異申言慷慨將從義生性凜如霜他詞  
未敢商 登堂行拜別淚染麻衣血舉室送河干蕭蕭  
易水寒

姑嫜相愛如珍璧天桃早詠宜家什共鑒此筠心瞿然

盡室欽  
長齋常繡佛  
縷縷香沉鬱  
苦菜兩三莖  
拚教  
過一生

從今阿母奄奄病  
零俦弱女依爲命  
歲月數歸甯  
晨昏  
暑慰情  
幽居無一當  
兄妹連摧喪  
阿母更難支  
春蠶  
欲盡絲

金經虔誦三更月  
誰知仙佛難超劫  
顧影益無聊  
淒然  
魂也銷  
強顏娛老父  
侍筆研朱露  
奚啻有佳兒  
衰齡  
仗汝持

楚氛闌入江南地  
金陵逆賊如螻蟻  
風鶴劇堪驚  
扁舟  
屢徙薪  
塵間無限恨  
形影交相困  
策馬下鄉看  
潞潞

約園詞稿

卷八 逝水歌

九

淚未乾

經秋依姊橫山下  
函書并淚交  
縈惹病骨久支離  
人間  
世已非  
秋深還示疾  
生意先蕭瑟  
旅櫬在他鄉  
相看  
也斷腸

人間多少癡兒女  
嬌酣都覓銀魚去  
秉性最聰明  
如何  
生不辰  
七年留苦節  
勁栢經霜折  
心苦太堪憐  
前身  
幽鉢蓮

壁間珍重丹青筆  
嫣然尙帶胭脂色  
觸物更傷情  
悠然  
思不禁  
不堪添老淚  
淚眼將枯矣  
汝在定愁予  
頽然

影太孤

太常引

丙辰春正大兒達保以同知赴閩候補五月疾終福甯府差次

忽聞駭電與奔雷夢也不會猜天道竟何爲請日者將  
伊命推 清淳如此真誠如此何事命多乖丹旆幾時  
回知飄泊雲隈水隈

一生磨蝎在身宦癩年辛苦中枉去學雕龍偏風隔蓬  
山幾重 前年漢水去年燕市秋杪逐歸鴻草草別東  
風看闔海蕉黃荔紅

鄉書五月抵家園宦味畧嘗鼃聽鼓幾曾諳却愁說爲  
官嶺南 披星捧檄催科情拙風雨正漫漫卧病苦無  
端又絕少親朋往看

約園詞稿

卷八

逝水歌

十

超然撒手是歸期前路止如斯頭角望諸兒想遲速飛  
鳴有時 青烏一卷黃囊幾頁妙用有元機踏遍好山  
隈這造化爲吾所師

思越人

達兒凶問已三月矣歸觀杳然泫然有感

夏雲平秋波起清宵黯黯傷神東望關山魚雁杳紙錢  
何處招魂 飄零尙是他鄉客遲回怨此行役淚眼將  
枯還飲泣待不思量怎得

高陽臺

爲達兒營葬於烏魯橋之南黃君雅亭爲之筵日安而立穴均合法度可爲有緣矣

萬頃洪波一邱奇石曾教埋骨山陰喚五丁開幾堆石  
骨嶙峋青囊細演元空卦奈元空不合星辰有前因東

郭還東是爾佳城 時師競說楊曾術柰三元三合歧

說紛紜黃石邀來慨然示我金針窮通豈盡憑坏土但  
陰陽不使乖分有松楸長養多年美蔭堪尋 太湖中漁息磯祝復

生鉗記也得時謂達兒曰汝他日葬地因方位與元運不合遂爲改卜

水調歌頭

五月達兒客亡八月老母見背十一月大兄又病歿半年之間三遭骨肉之變

長歌當哭  
以寫哀悼

人世是何世着此一衰翁正是蘭摧玉折雙淚斷西風  
忽痛烏私永隔又悵鶴原遽失悽絕半年中鐵石作心  
性只恐也銷鎔 眼前事驚沸鼎歎飄蓬強支病骨數

交陽九幾時終先世清芬舊德不忍遽歸零替宛轉教

約園詞稿

卷八 逝水歌

十一

兒童今世是何世尙聽下帷攻

蕭屑破窻紙悽楚不成眠已是風狂雨橫雪壓又霜添  
百事更番摧挫九曲迴腸宛轉搔首問蒼天天亦爲悽  
楚寒月鎖眉尖 雞喔喔推枕起思如烟幾回握粟欲  
向詹尹卜流年似此支離剩叟經得風狂雨橫霜雪又  
聯翩紙帳共誰語顧影劇堪憐

萬事本空幻况值亂離秋庸知朝露非福安戀此浮漚  
爭奈柔腸寸割每覺悽惶欲絕涕泗不知由俯仰失所  
倚于世復何求 凝眸望寒雲凍碧波流性天大損女

媧鍊石恐難修浩劫揚灰未已我更遭茲奇慘塵網苦

淹留嘹唳雲中鴈飛過也回頭

浪淘沙

夔墩北爲誦娟六女墓東北行里許爲八女諸女孫墓偶經其地悽然久之

羅列盡烟巒閒步郊南墳前宿草已  
珍珍姊妹花開餘  
幾柔強半摧殘  
阿母在前山  
孳伴相還我來應亦不  
多年一塢松風蘿月下常近親顏

約園詞稿

卷八 逝水歌

三

約園詞稿卷九

武進 趙起 于岡

幽蘭操

戊申以後園居日多樹蕙滋蘭以銷永日搜奇徵  
異聊暢幽懷念獨繫之匏瓜誰與共此芳草偶披

舊咏如挹清芬

江南春

殘臘向盡同人買蘭余亦攜歸數莖種時  
折却一枝獨抱素心深爲惋惜因賦四闕

雲黯黯日匆匆凋年宜醉酒野客正攜筇筠籠貯滿靈  
根在儂亦移情到綠茸

芳意展笑顏開同耽真逸趣各拔不凡才冰心一片誰

約園詞稿

卷九 幽蘭操

相識儂獨殷勤護綠苔

才不偶事難量無心同碎玉失手墮寒香萌芽作蕊經  
年歲儂爲心酸種道旁

勞蝶夢費鷗思靈均吟倦後燕姑夢回時蘋因絮果芳  
魂在儂結前緣汝可知

摸魚兒

戊申春日購得荷瓣素  
心蘭寫贈王星乙賦此

是人間素心儔侶空山欣此良晤天涯芳草知多少昨  
夜夢魂輕誤春已暮憐寂寂蕭齋風雨愁無緒碧天欲  
訴賸一縷香痕伴儂幽獨逸興到湘浦 殷勤護相對  
惟余與汝寒交金石同固花容柳態隨時易只有故人

如故君看取更幾日金莖玉榦森瑤圃芳情待賦好細  
寫松煤輕調絃柱爲續楚騷句

臨江仙

戊申仲冬二十三日泊舟山塘花傭半屬  
鄉人見其籠蘭入窖囑將名種寄至山中  
因賦

秀嶺衝寒憑挖取筠籠荷人蘇門杜蘭仙子最消魂冬  
烘幾日香遍美人簪 玉瓣金英憔悴盡伊誰護得靈  
根山中浩劫恰何因不曾寒乞向火竟隨人

少小生來花裏活賣花聲是鄉音臨波別我意殷勤檢  
將花萼水遞到柴荆 欲例梅妻蘭作室蹇修莫忘丁  
甯聘錢十萬貯湘筠團團碧月好夢佇黃昏

約園詞稿

卷九

幽蘭操

二

水調歌頭

揚州寓齋得蕙花異品  
汪其相函信眞州喜賦

俗極不可耐托興到幽蘭靜對殊可人意坐久遂忘餐  
品是羣芳第一更有殊姿仙質抱異在春山香市筠籠  
貯容我恣情探 東浙水西江月載花船逸情軫結攜  
展終日幾回看不數塵間倩女大似山中奇士相悅在  
無言報道新相契芳躅到齋前

高陽臺

小住眞州日與阮卜臣買蘭賦此爲贈

碧意橫披春痕太幻幽居想入非非綠萼珠胎名山作  
意爭奇東風盡日吹蘭夢未闌時夢自恬熙有騷人結  
伴江濱手撚花枝 鬪塵十斛青衫上縱芳郊移步顧

影淒其難得同心洒然物外忘機恒沙得失如花朵任  
東皇付與妍媸且耐春暮暮朝朝逸興還飛

蘇幕遮

江繼村購得吳蘭賦贈

鬱芳情添逸思剔異搜奇不管花魂妬劇喜秣陵花客  
住一萬青蚨買得春如許乍移來還別去贏得香心  
脈脈渾無主空谷蘭仙容易遇注滿芳醪花外應飛羽

揚州慢

徐子楞製詞相贈卽次其韻

春雨廉纖湘君入夢遽然惹起吟魂悵杜蘭芳躅亦到  
處移根尙留得二分明月素心儔侶聊共清樽只離懷  
常醉無言脈脈殘曛喬居永巷與高齋曲尺爲鄰儘  
逸韻騷情團成綠意釀出奇芬昨日君平過此連占得  
茹彙續紛抵名姝千百朝朝攜展相存

前調

子楞再疊前韻又次奉答

縞袂仙姝綠波妃子碧山乍變遊魂是東風幻影類芝  
草無根惹騷客無邊逸興黃蘗列遍共把芳尊怕餘寒  
吹入西窗初射紅暉叢生九畹儘飄零衆草爲鄰歎  
空谷何人風前宛轉獨抱清芬我欲乘鸞去采蒼崖畔  
荆棘糾紛念仙柯誰假枯桐遺曲猶存

雙調望江南

金陵買蘭

春過矣暮色到齋頭跡似風帆容易轉手攀月斧倩誰

修何處着閒愁 聊寄興蕙馥更蘭幽 徑畔松枝聊借

蔭堂陰萱草 並忘憂幾載恣窮搜

菩薩蠻

壬子初夏約同種得素心蘭爲賦四闕

流鶯聲裏春都過 春山憔悴應如我 到處綠蕪蕪 蕪蕪  
誤翠裾 苔堦清露滑 步履防蹉跌 默坐鎮懷人 清湘  
來素心

一枝嬈娜清如玉 碧紗深護屏山曲 欲例此花妍 梅仙  
和水仙 細思還不及 仙韻應殊絕 何處着纖塵 花心  
似我心

杜蘭仙子應憐我 無聊盡日花間坐 頗不負相思 翩翩

約園詞稿

卷九 幽蘭操

四

絕世姿 披烟還帶霧 叢薄難容趾 含笑出青山 山人  
恣意看

搜奇剔異同 珍璧名花歲歲如 相識同臭是 同心今番  
夢最清 招邀惟素侶 莫把芳尊誤 酒罷且流連 花開  
又一年

念奴嬌

癸丑二月約園盆蘭特多異品 聞金陵向軍門連獲勝仗作此

亂雲重疊只杜蘭 仙子知儂幽 獨駭歛驚 颺來倉卒仗  
有奇花滿屋 消遣愁懷 禳除災祲 隱被花王福 茶烟榻  
畔 午餘清睡初足 旌旆俱逐風 靡投杯憤起 擊碎漸  
離 筑朽木求來 支大厦 浩劫將傳 空谷方叔 元戎擎天

一柱拭眼收殘局鏡歌製就庭階無限芳馥

八聲甘州

盆蘭將謝賊氛尙囂然未靖

過瀟湘烽火遍春江問誰起靈均對幾莖香草暗傷憔悴欲賦招魂隨地狂飈闌入愁絕刈當門空谷徘徊久幾度沾巾搔首晴空莫訴鬱青霞奇氣吐入芳心遂臨風蘊結負異更超羣憶年年肯將芳躅欸柴關彷彿故人情更何日倚平安修竹淺醉微吟

水調歌頭

乙卯初夏以名畫易異蘭數種

負異出幽谷料量在春前老來差少儔侶與此訂忘年也抵環肥燕瘦也列盧前王後斗室足幽歡靜契坐相

約園詞稿

卷九

幽蘭操

五

悅午倦且閒眠標素質蘊殊馥鎮無言幾經拔擢相對莫作等閒看更有風規嶄絕不肯隨風傾側方與其盤桓此意少人會我我自周旋

南詞子

丙辰春日咏蘭

結隊穿雲去尋芳度嶺回花肩香壓帶莓苔對我軒渠一笑送春來嗜異情誠癖耽幽夢亦佳東風無賴強安排贏得珠胎顆顆漫疑猜

拔萃收宜廣連茹吉可占年年費却杖頭錢越樣殊姿相得在無言幻相工描取梅仙與水仙亭亭還仿鉢

中蓮雅擅羣芳品格最幽偏

本是同心侶還看愜素心誰能對此不銷魂不數塵間  
拱壁與兼金 香國銷塵劫苔階護綠陰閒從野老課  
陰晴花外紛紜理亂不相聞

約園詞稿

卷九

幽蘭操

六

武進 趙起 于岡

唱晚詞

暮蟬猶唱老驥長鳴聲斷五更志在千里詠歎之  
不足慷慨有餘哀月夜烏啼霜天鶴警彌悵四方  
之蹙蹙遂增一夕之曉曉

八聲甘州

施夢玉贈濟陰牡丹二十本倚聲答之

計番風次第到平蕪落花悄無言鎖闌干倚遍紅疎綠  
減春太堪憐忽地濃姿貴采聯袂舞蹁躑管領羣芳使  
頌到人間 此是棠陰黍雨比河陽滿縣十倍鮮妍挈  
約園詞稿 卷十 唱晚詞 一  
鴉鋤親種仔細護花旛待花時故人攜酒對芳菲省識  
長官顏還凝望年年仙吏花下停驂

水調歌頭

題約園話別圖送施夢玉同年

琴鶴載將去贏得口碑傳兩回醜酒東郭一別一淒然  
隨地嚴霜甘雨總是心腸佛子雞犬夢都恬絃誦不曾  
輟吏隱鎮如仙 吳江外楓葉落思如烟攀轅卧轍欲  
借賢尹苦無緣人盡涔涔欲涕我更闌干未已編袂數  
相聯隻雁和雙鯉目斷水雲邊

遠志久蕭瑟池館尙清幽一聲吹徹長笛乘醉且登樓  
難得苔岑舊侶來作邦之召父報最夙稱優宓子彈琴

罷時共野人遊 松菊下羅縑素恣窮搜古歡未竟碧  
水東下苦難留西塞山前白鷺添入囊中秀句清興鎮  
豪不展卷惜輕別長憶復長謳

喝火令

鐵甕巖更月紅橋靜夜霜數交陽九頗倉皇幾載瘡痍  
未復浩劫又紅羊 忠悃神應鑒雄師力可降么魔肆  
毒狠如狼誰養羣奸誰使盡披猖誰把藩籬自撤楚漢  
達吳江

江南好 題畫

江南好春意 在枝頭亭北紅霞樓閣起 閨中香夢綺羅

約園詞稿

卷十 唱晚詞

二

稠翡翠語鉤欄 牡丹蘭

推繡幌午睡熟茶鑪篆影臨風蚪蚪亂春痕如水蝶蜂

忙徙倚到斜陽 朱藤芍藥

楊柳岸倚遍水心亭花落池塘初過雨飛飛點水一身

輕輸與兩蜻蜓 荷

秋蝶舞老圃積荒烟一點檀心眞向日竹坪松徑自安

恬長願駐華顏 葵

秋江上言采欲遺誰花底鴛鴦眠自穩水邊鷗鷺立移

時心事綠波知 芙蓉

冰雪夜芳意向縱橫幾樹留爲調鼎用幾枝留證在山

清珍重歲寒心

梅水仙

浪淘沙

癸丑七月客貽鳳仙數種作此以誌雅贖

心緒劣如麻  
劫運恒沙  
摩挲老眼且看花  
懶聽八公山  
草木滿樹驚鴉  
彩鳳散餘霞  
仙韻堪誇秋風吹送野  
人家草色一簾苔  
滿徑意自清佳

卜算子慢

秋烟漸老  
落日半淹  
做出一天清恨  
幾曲柔腸折却可  
還盈寸這長天  
矯首憑誰問  
但脈脈沉吟不語  
終宵靜  
對燈影  
瑟瑟西風緊  
又噉唳晴空  
頓傳霜信  
夢遠愁  
長教我怎安角枕  
滌煩襟  
不會千鍾飲  
算萬事拋殘兩  
約圓詞稿

卷十

唱晚詞

三

淚把青衫低搵

少年遊

簾前桃柳膩春潮  
烟裏發蘭橈  
斜陽沽酒一時裙屐引  
興十分高  
春花搖落秋鴻暝  
風雨帶蘭皋  
一樹垂楊  
幾枝殘葉有客最魂消

憶秦娥

野渡送盡行人去  
斜陽定有行人欲斷腸  
今宵鄉夢  
知難穩  
喔喔雞催醒  
衝寒策馬高岡露未乾  
斗室趺坐聊容膝  
蘭香笑下青山別樣裝  
金莖玉榦  
休教睡煖紫圍屏  
翠無言爲課陰晴動一年

去住總是無情思誰憐身是菩提心是蓮

彌天浩劫

逢陽九風鶴時時有神傷四月無雲四野蝗

丙辰四月二十八日

雨至八月十日  
又雨蝗蝻遍野

滿江紅

甲金陵

虎踞龍蟠臺榭圯年年水齧原早識堅冰將至冷霜先  
結別館笙歌春未歇樓船檣櫓風吹折恨滿城只見亂  
鴉飛鷓啼血城上角空淒切江上賊來倉猝歎衣冠  
文物盡歸塵劫黃口塗膏泥盡滑綠鬟填壑波難涉看  
一行翠羽共華纓皆應裂

前調

甲潤城

約園詞稿

卷十

唱晚詞

四

江上孤城今尙是屯蜂聚蟻鋒鏑外荆關茅屋蕩焉如  
洗旱久青苗行地赤照來碧血斜陽紫念蒼黎草莽或  
餘生無異死夷氛熾危城圯楚氛入空城棄歎連遭

兵燹十年而已長髮披頭如野鬼短衣赤脚呼蠻子

呼賊

我兵爲妖我兵  
呼賊爲蠻子

待何時剝極發蒙泉饒生意

前調

甲維揚

淮水江潮漲河處蕪城翕合從古有居商行賈十分豪  
俠狂蝶癡蜂春意鬧緩歌慢舞酣風雜最堪憐一睡正  
曹騰紅羊劫前春亂猶餘烈今春賊還重入較當年  
十日更增淒切新鬼煩冤故鬼哭啾啾啼遍紅橋月更

何人爲弔玉鉤斜柔腸裂

前調

向欣然大帥所帶兵勇徵調已空賊四面環攻只得扶病移駐丹陽賊隨至猶力疾督戰賊退竄句容逾月病歿計咸豐三年春賊陷金陵潤城離吾常不足二百里迄今晏然江浙永資屏翰其功何敢忘也

高壘深溝戎帳外頻張空卷這劇賊狼奔豕突捷如風捲戍卒更衣成雁列邏兵傳火如魚貫計年年待旦枕戈心神堪鑿 六千里來轉戰十萬衆資渙汗奈豆撒瓜分賊如滋蔓隻手長支吳越在忠肝競作關張看忽秋來月落大星沈同浩歎

前調

賊犯金壇遊擊李鴻勳帶兵數百守禦有方張提督嘉祥督兵痛勦城得瓦全後李在句

約園詞稿

卷十 唱晚詞

五

容戰破人皆惋惜

三里之城却從古未遭兵燹忽醜虜意圖東下潛師來瞰野掠焚廬人盡殍火攻伏地城幾陷賴先幾坐照燭如神資定亂 軍令出皆激勸援師集皆敢戰羨將軍小李功成馬汗退將趁巡先鳥散雄姿颯爽驚鷗貫句城南賊竄出他將不戰自潰李奮勇統兵出中鳥鎗而斃指櫓槍凶賊不曾平思燕領

前調

張提督身經百戰義勇冠軍歷數戰功雖古名將殆無以過

百戰聲威古名將伊誰堪擬忠憤氣雲霄上薄雄情蹕厲文遠當前無大敵子房所出皆奇計擁貔貅三十立

功名洵偉矣 兵久頓人思 憇天苦旱糧難繼 幸嚴明  
申令一軍慕義江上山 擐甲戰江南 半壁長城倚 望  
烽烟珍重百年身 毋輕試

前調

徽州風稱繁富 賊幾番蹂躪 搜索殆盡  
花燈鼓賭局尙數百成羣 官不能治

疊嶂排空守天險 飛禽難越 初未料冰銷瓦解 此邦人  
傑十載嬉遊成薄俗 百年休養歸塵劫 最堪傷舉國尙  
如狂滋萌孽 地未凍冰先結木 將蠹蟲先入帳 將傾  
大厦樑摧棟 折曲突三年何處徙 狂瀾一往從流決 念  
新安文學古津梁 何堪說

前調

賊據甯國鄧提督紹良統兵密圍賊窘甚率  
數萬衆來援將鄧營四面環擊幾不能脫鄧

約園詞稿

卷十

唱晚詞

六

連發大炮斃賊甚多  
乘勝擊殺遂大捷

碧嶺灣環羨比戶 皆稱富有 忽假道黃巾 闌入利占盈  
圭道梗盡滋歧 歧路淚波狂 深望迴瀾手 振軍威 夙將猛  
如羆 相持久 圖虎踞城難守 思鳥散營難走 遂盡呼  
醜類 將離虎口 風轟捲來如雨驟 電光閃處聞雷吼 掃  
機槍從此殄妖氛 恬烽堞

前調

湖北江西安慶賊負隅如故  
未知何日掃蕩深爲慨然

楚尾吳頭值陽九 囂然不靖 這一帶江山稠疊 豪強成  
性 儒將連摧誰辦賊 江中丞忠源羅觀察澤  
南百戰皆捷惜都殉難 奸民四起  
歸亡命更何時 一舉搗黃龍 方痛飲 漢江水還流 恨

西江月難舒困嘆七年凋做不堪深訊劇賊天亡皆自  
併疲兵糧少偏難競聽嚴更轉側待雞鳴遑安枕

前調

袁午橋先生甲三緣事來常觀其意思詩懇  
器量宏深駐宿州勦辦搶匪功在垂成爲輩  
語所中殆一方劫運未終也越半載制軍怡  
公雪其事 聖上褒起用卽命在豫省防匪  
數月境內擴清聞駐兵亳  
州孤軍無援急難殄滅

潁水芒山聚幾許綠林儁侶申大義開誠相見聞風起  
舞細柳嚴傳亞父令諸蕃懾服汾陽度惜倉皇功敗在  
垂成憑誰訴 邦之直危蜚語有大吏心知誤幸天王  
明聖陔開雲霧三戰連摧賊萬衆一軍久繫營孤注願  
蒼蒼悔禍殄妖氛先擒巨

約園詞稿

卷十

唱晚詞

七

水調歌頭

達兒病破霞浦署中縣令高君會嘉九  
江名進士也篤於友誼附身之具備極  
周詳并厚贖以資  
歸殯詞以誌感

薄宦到閩海只爲哭途窮不道龍蛇運阨三月苦匆匆  
今日人情如紙君獨敦茲高誼萍水幸相逢結草未忘  
報搖曳紙錢風 童孫輩思奮跡下帷攻倘還得路慎  
勿局促守褊衷宦轍頻多躑躅幾許殷勤待澤浥注露  
華濃以此廣君德策勵繼高踪

前調

金陵難民留吾常者不下萬餘飲食奢  
靡性情囂頑值此流離尙不知戒謹

大造豈憤憤殃降視斯民或者炎威特甚霜意到秋零  
金粉六朝佳麗幾處陂池臺榭完好尙如新塗炭竟如

此浩劫究何因 亡羣獸驚弓鳥出波鱗流離滿目人  
生到此不堪論道路唏噓流涕今尙恣睢淫佚彼獨是  
何心習俗移人甚咏罷一沾巾

鳳凰臺上憶吹簫

除日玉星乙史穀菴汪逸雲楊子逸高式之約園煮茗觀梅

池館倉皇駒光忽忽又驚歲尾年頭看彤雲作雪香壓  
羅浮無意巡簷索句疎影外翠羽鉤輞還呼起綠衣縞  
袂蕩漾明流 忘憂年年舊侶好焚香煮茗小作勾留  
且漫歌彈缺莫賦登樓憐此一年將盡知來歲還似今  
不花開處但教長醉休惹閒愁

